



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 6. In Bauariâ.

urn:nbn:de:hbz:466:1-13167

§. 4. In Leodiensi agro.

Apud Tungros (*in Leodiensi agro*) dicunt aquas venenatis aduersari, cuius rei signum, quod si in eas mittantur serpentes intereunt illicè, cùm tamen innoxiae sint canibus, & aliis animantibus. *Andreas Baccius de aquis lib. 3. cap. 3.*

In Agro Leodiensi Souenia fons, non procul à castro Francimontio, tertianis est, & hydropis salutaris. *Hubertus Thomas Leodiensis.*

Apud Tungros fons est insignis (*hodie les eaux de Spa*) plurimis bullis stillans ferruginei saporis, quod ipsum non nisi in fine potus intelligitur: purgat hic corpora, tertianas febres discutit, calculorumque vitia. Eadem igne admoto turbida fit, postmodum rubescit. *Plinius lib. 31. cap. 2. & Dalecampius in hunc locum qui notat perdurare miraculum.*

§. 5. Suevia.

SUNT Mattiaci in Germaniâ fontes calidi trans Rhenum (*hodie peritioribus Baden*) quorum haustus triduo feruet: circa marginem verò terra in pumicem concrescit. *Plinius lib. 31. cap. 2.*

Circa Danubij exortum pisces nigri illicè gustantibus mortem afferunt. *Plinius lib. 31. cap. 2. & And. Baccius lib. 1. cap. 9. idem afferit.*

In Sueviâ lacus, in quem si retia immittantur altius (nam in superficie nihil damni patientur) sic aduruntur, non secus ac si flammâ forent afflata. *Seuerinus Gobelinus in suâ historiâ suevicâ.*

In Badensibus Thermis fons est aquæ adeò calidæ, ut in ea animalia facile depilentur: quod tamen non contingit, si hæc animalia furto sublata fuerint, sic *Vadianus in lib. 3. Pomponij Mele.*

Ad Memmingam fluuiolus *Bach*, aliis fluuiis concretis numquam congelatur. *Indigenæ omnes.*

§. 6. In Bauaria.

IN Bauaria fons est in loco dicto *Degernfée*, ex quo quotidie guttæ olei decerpuntur. Putant periti esse Bitumen liquidum,

quod vulgò Petroleum dicimus. Philander in notis ad 8. l. Vitruvij.

Regnitus fluuius cùm in Danubium cadit subruber videtur.

Cesius lib. 1. de Min.

Isara fluuius vbique cæruleus apparet. Idem, loco laudato.

Ilza fluuius in Danubium nigras omnino aquas ex montibus Bohemicis deportat. Idem Cesius.

§. 7. In Regionibus hæreditariis.

In Danubio ad Austria capitur ingens piscis, ideoque dictus *Hausen*, hoc est *domus*, sine vlla spinâ. Auctor lib. de Reb. & Imperiis.

In Palude Lugeâ, nunc Circonensi (vulgò Zirknitz, seu Czirknick in Carniola) res mira quotannis contingit: ea Palus sub finem Autumni impletur aquis, tunc ex terra magno impetu exiliens, ac deinceps piscibus abundat. Sed primo vere aqua illa euanscit, & exsiccatur, solum aratur, semina iaciuntur cum magno prouento. Capitur autem in eo lacu piscium ingens copia, & Lucij duorum cubitorum, qui dubio procul in voraginibus illis delitescunt, neque enim tam citò possent crescere. Quot indigenae totidem testes. Georg. Vernherus de aquis mirab. Hungarie.

§. 8. In Regno Bohemiae.

Ad urbem Oegram Eger, acidi fontes multis morbis salubres, quare ad eas ex tota Bohemia, & Palatinatu Bauarico decurritur. Paulus Stranskius.

Non procul ab urbe Oegræ fons acidus, dictus Aqua furiosa, qui ebullit cum tanto fremitu, ut tonitru in terræ visceribus fremere videatur. Cesius lib. 2. de Mineralibus.

In Silesia iuxta montem Risenberg, duo lacus vicini aquæ subnigræ, in quorum uno neque pisces, neque ullum animal viuere potest, cùm in alio multæ Troctæ subnigræ capiantur exquisitissimi saporis. Nicolaus Henelius.

In Ducatu Lignitio terra eiusdem omnino cum Lemniaca virtutis. Idem Henelius.

In Sylvis Saxoniæ (Silesiæ dicere voluit) versùs Daciam duo capta sunt mōstra ante nostra tempora (sic loquitur auctor) pilosa, humanam habentia formam; fæmina morsibus canum periit, mas